



UNIVERSITÄTS-
BIBLIOTHEK
PADERBORN

Universitätsbibliothek Paderborn

Ioannis Ioviani Pontani amorum libri II.

Pontano, Giovanni Gioviano

Venetiis, 1518

Eridanum alloquitur.

urn:nbn:de:hbz:466:1-13534

ERIDANVM ALLOQUITVR.

f Ontis Acidalijs laticem Venus aurea liquit,
Et Paphias myrtos, Idaliumq; nemus.
Eridanus dominæ tantum placet. hinc colit amnis,
Hanc deus, & latis Naiades in lacubus.
Huic aras posuit centum Ferraria, centum
Culta Cremona, & auis Mantua nota suis.
Eridanus Veneri (quis credat?) sufficit ignis,
Sufficiunt plenis flumina gurgitibus,
Parce pater flammis, ignemq; auerte sagittis,
Sed flammæ & pharetris rore medere tuo.

AD STELLAM.

n On alpes mihi te, aut uasti maris æquor, & ipso
Eripiant Syrtes, nam mihi semper ades.
Mecum de summa specularis littora puppe,
Et mecum longas isq; redisq; uias.
Mecum compositis hæres moritura lacertis.
Si pontus, si quid seu minatur hyems.
Me quounque loco, quicquid fortuna pararit,
Quicquid ago, mecum es, nec nisi semper ades.
Tu curis solamen ades, requiesq; labori,
Et quia semper ades, nil nisi dulce mihi est.
Quod si quando absis, & te iam stella requiro,
Sive dies, seu nox, sponte uidenda uenis.
Nam cum sol primos effert pulcherrimus ortus,
Auroræ in gremio tu mihi mane nites.
Ilic purpureasq; genas, roseumq; labellum,
Delicias uideo pectora & ipsa meas.

ij